

## MABATAQUE ISANGUENAUQUE JOAN

---

### **Ibetsatari Joan ira Gayo.**

<sup>1</sup>¿Aintabi, Gayo? Naro antiasipari nasanguenaquimini. Tojai naninquimi aroquenta piquemisanquero obiro ora nibarintsisonori.

### **Caninataque omitocoqueri opiguemisantane.**

<sup>2</sup>Nanintane, namanocotopiantimi arota pintime caninasati. Nígóti piquemisantasanotiri Tosorintsi, aisati namanocoquemi arota pintegotsite.

<sup>3</sup>Nacaninatanè cara icomantègotapèmi pèmi opiguemisantane cara aisonori piquemisanquero nibarintsisonori. <sup>4</sup>Tojai nacaninasèretanè cara naquemocoqueri ira naguemisantacaganeegui cara iquemisantaiguëro nibarintsisonori.

<sup>5</sup>Nanintane, caninasati picanque cara págacaninatobèri popabaqueri iraperi popiguemisantane paniacha canta jaanta. <sup>6</sup>Aroque icomantègotapèmi yaca opiguemisantane cara tojai pinintaigabaqueri ira paniacha jaanta. Pèrosati pomitocotaigueri cara itiomopèmi aisati pomitocotaigabajiri cara iriatèa iroronta icogui Tosorintsi pinganque negaca.

<sup>7</sup>Iquenaguetanè icoguininta ingomantè gotiri Jesoquirisito. Iáiguè te ingoicotè matagueri ira te irogótiri Tosorintsi.

<sup>8</sup>Iroro caninataque omaigueri eiro ora icogaigui aisa omitocotaigueri cara ingomantègotaguequero ora catingaro Irinibare Tosorintsi.

<sup>9</sup>Nasanguenaquineri opiguemisantane ira botoitacha canta, irari Tiótorejes te iraninte inguemina ora nacanti. Icoque iriro obatacaguirine quemisantatsiri.

<sup>10</sup>Aroca najáque obiroquè, nongomantè gotapèro ora icanti Tiótorejes cara icantasica aisati itsoiguëgotaiquëna, teatisati irágobèri ira aretacha comantantatsiri. Aitosati iguisaneinqueri basini irapiguemisantane ira cogabitacha irágobèri. Te iranintacaguii Tiótorejes irágobèri ira aretacha. Ijoqueri cara yapatoita.

<sup>11</sup>Nanintane, quero poguiatiri ira cantiro ora te onganinate. Piguatiri ira cantatsi caninaro. Iriro ogótiri Tosorintsi; irari cantiro te onganinate teni irogótiri. <sup>12</sup>Antagaisati icantocoiguëri Temétirio caninari. Igótasanoiguëri iquemisantiro nibarintsisonori ora icanti Tosorintsi. Aitosa naniacaninatanatanotèri naro. Pigoiguè cara nocomantègotèri catingasati.

<sup>13</sup>Arosónori ora naninti nongomantimi, carari te naninte nasanguenatimiro. <sup>14</sup>Nocoguini omanapague naniajimi canta arota anguengabaguitomotobaguima omagaro.

<sup>15</sup>Nocoguini caninasati pintime. Yobetsataiguëmi popiguemisantane yaca. Aisa obiro pobetsataiguenari opiguemisantane canta.

Aro ocarati ora nasanguenaquimi.  
*Joan*